

ხელშეკრულების პროექტი-

პროექტის პირობები დაზუსტდება სატენდერო დოკუმენტაციის პირობების შესაბამისად.

ერთის მხრივ შ.პ.ს. „ფსიქიკური ჯანმრთელობის და ნარკომანიის პრევენციის ცენტრი“ (შემდგომში „შემსყიდველი“) წარმოდგენილი მისი გენერალური დირექტორის ლაშა კილაძის სახით და მეორეს მხრივ, შპს „-----“ (შემდგომში „მიმწოდებელი“) წარმოდგენილი ----- სახით, შემსყიდველის მიერ 2018 წლის ----- ფარმაცევტული პროდუქტების (CPV33600000) შესყიდვაზე გამოცხადებული ელექტრონული ტენდერის SPA-----საფუძველზე, დებენ წინამდებარე ხელშეკრულებას შემდეგზე:

1. ხელშეკრულების საგანი

1.1. შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ 2018 წლის შემოსავლების ფარგლებში ფარმაცევტული პროდუქტის შესყიდვა.

1.2 შემოთავაზებული ფარმაცევტული პროდუქტი უნდა იყოს საქართველოს ფარმაცევტულ ბაზარზე დაშვების უფლების მქონე.

1.3.. შემოთავაზებულ მედიკამენტებს უნდა ჰქონდეს ხარისხის სერთიფიკატ (ებ)ი. შემსყიდველი უფლებამოსილია ხელშეკრულების მოქმედების ნებისმიერ ეტაპზე მოითხოვოს მიმწოდებლისგან ზემოაღნიშნული სერთიფიკატ(ებ)ის წარმოდგენა;

1.4 შემოთავაზებული ფარმაცევტული პროდუქტი უნდა იყოს რეგისტრირებული საქართველოს მთავრობის 2009 წლის 22 ოქტომბრის #188 და 2013 წლის 30 ივლისის #195 დადგენილებების დანართებში აღნიშნული ქვეყნების ფარმაცევტული პროდუქტების მარეგულირებელი სახელმწიფო ორგანოების მიერ

2. ხელშეკრულების საერთო ღირებულება

2.1 ხელშეკრულების საერთო ღირებულება შეადგენს ----- () ლარს.

2.2 ერთეულის ღირებულებები განისაზღვრება დანართი №1-ის შესაბამისად.

2.3. ხელშეკრულების საერთო ღირებულება მოიცავს შესყიდვის ობიექტის მიწოდებასთან დაკავშირებული „მიმწოდებლის“ ყველა ხარჯს და საქართველოს კანონმდებლობით გათვალისწინებულ შესაბამის გადასახადებს.

3. ხელშეკრულების შესყიდვის ობიექტი

3.1. ხელშეკრულების (შესყიდვის) ობიექტია: ფარმაცევტული პროდუქტების (-----) - CPV33600000; (შემდგომში საქონელი) დანართი №1-ის შესაბამისად.

3.2. დანართი №1 წარმოადგენს ხელშეკრულების განუყოფელ ნაწილს, სადაც მოცემულია შესყიდვის ობიექტის დეტალური აღწერილობა, მწარმოებელი ქვეყანა და კომპანია, ზომის ერთეული, რაოდენობა, ერთეულის ფასი და საერთო ღირებულება.

4. შესყიდვის ობიექტის ხარისხი

4.1. შესყიდვის ობიექტის ხარისხი უნდა შესაბამებოდეს სატენდერო დოკუმენტაციით მოთხოვნილს და „მიმწოდებლის“ მიერ სატენდერო წინადადებაში და ტექნიკურ დოკუმენტაციაში ასახულ ინფორმაციას. შემოთავაზებული პროდუქტი უნდა იყოს წინამდებარე ხელშეკრულებით გათვალისწინებული ხარისხის, ქარხნული წარმოების, არ უნდა იყოს დაზიანებული და მოწოდების მომენტისთვის ვარგისიანობის ვადა შენარჩუნებული უნდა ჰქონდეს არანაკლებ 40%-60% მდე (ცალკეულ შემთხვევაში შემსყიდველთან შეთანხმებით შესაძლებელია უფრო ნაკლები ვადის მედიკამენტის მიღება).

4.2. შესყიდვის ობიექტის ნაკლოვანობის შემთხვევაში „შემსყიდველი“ წერილობით ან სატელეფონო შეტყობინების სახით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი ხარჯებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით.

4.3. მიწოდებული საქონელის ხარისხი უნდა შესაბამებოდეს შემსყიდველის მიერ ხელშეკრულებით მოთხოვნილს. ნაკლიანი (დაზიანებული) საქონლის მიწოდების შემთხვევაში, მიმწოდებელი ვალდებულია საკუთარი ხარჯებით უზრუნველყოს დაზიანებულის შეცვლა ახლით. ამასთან, მიწოდებულ/შეცვლილ საქონელში წუნის რამოდენიმეჯერ დაფიქსირების შემთხვევაში, შემსყიდველი უფლებამოსილია დააჯარიმოს მიმწოდებელი ხელშეკრულების ღირებულების 10%-ით და/ან ცალმხრივად შეწყვიტოს ხელშეკრულება.

4.4. შემოთავაზებულ საქონელს უნდა ჰქონდეს ხარისხის სერთიფიკატი. შემსყიდველი უფლებამოსილია ხელშეკრულების მოქმედების ნებისმიერ ეტაპზე მოითხოვოს მიმწოდებლისგან ზემოაღნიშნული სერთიფიკატის წარმოდგენა.

5. შესყიდვის ობიექტის მიწოდების პირობები, ადგილი და ვადები.

5.1. „საქონლის“ მიწოდება განხორციელდება ეტაპობრივად, ხელშეკრულების გაფორმებიდან არაუგვიანეს 2018 წლის 30 სექტემბრის ჩათვლით, ყოველი კონკრეტული მოთხოვნიდან 15 სამუშაო დღის ვადაში.

5.2. საქონლის მიწოდების ადგილი – ქ. თბილისი, ქავთარაძესკ 21ა. სადაც სასაქონლო ზედნადებისა და მიღება ჩაბარების გაფორმების მომენტიდან შემსყიდველზე გადადის საკუთრების უფლება საქონელზე.

5.3. ფარმაცევტული პროდუქტი წარმოდგენილი უნდა იქნას მინიმალური ქარხნული ამბულატორიული შეფუთვით. ცალკეულ შემთხვევებში შემსყიდველთან შეთანხმებით შესაძლებელია სტაციონალური შეფუთვით წარმოდგენა.

5.4. შემსყიდველი უფლებამოსილია მიმწოდებელისგან მოითხოვოს დანართით განსაზღვრული მედიკამენტების რაოდენობის მიწოდება ფაქტიური საჭიროების მიხედვით, სექტემბრის ბოლოს მედიკამენტების რაოდენობის არასრული ათვისების შემთხვევაში მიმწოდებელი კარგავს აუთვისებელი თანხის მოთხოვნის უფლებას.

5.5. შემსყიდველი იტოვებს უფლებას, განსაკუთრებულ შემთხვევებში, მისაწოდებელი მედიკამენტების ჩამონათვლიდან შესყიდვის ობიექტის საერთო ღირებულების შეუცვლელად შეიძინოს რომელიმე პროდუქტი მეტი რაოდენობით, სხვა შესაძენი რაოდენობის შემცირების ხარჯზე;

6. შესყიდვის ობიექტის მიღება-ჩაბარების და კონტროლის წესი

6.1. შემსყიდველის მიერ საქონლის მიღება წარმოებს ეტაპობრივად, შესყიდვის ობიექტის მიღება დასტურდება მიმწოდებლის მიერ სასაქონლო ზედნადების გამოწერითა და შემსყიდველის უფლებამოსილი წარმომადგენლების მიერ გაფორმებული ინსპექტირების აქტით;

6.2. საქონლის მიწოდების შემდეგ განხორციელდება მიწოდებული საქონლის შემოწმება, რომელსაც განახორციელებს შემსყიდველი ორგანიზაციის მიერ სპეციალურად შექმნილი ინსპექტირების ჯგუფი, რაზედაც დგება შესაბამისი ინსპექტირების აქტი.

6.3. შესყიდვის ობიექტის მოწოდებისას „მიმწოდებელმა“, უნდა წარმოადგინოს შესაბამისი საგადასახადო დოკუმენტი საქონლის კოდის, დასახელების, რაოდენობის, ერთეულის ფასის და საერთო ღირებულების მითითებით.

6.4. მიმწოდებელმა უნდა უზრუნველყოს შემსყიდველისათვის 6.3. პუნქტში მითითებული დოკუმენტაციის წარდგენა „საქონლის“ დანიშნულ ადგილზე მიწოდებისთანავე. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯისათვის ეკისრება მიმწოდებელს.

6.5. მიმწოდებლის მიერ წინამდებარე ხელშეკრულების პირობების შესრულებაზე კონტროლს განახორციელებს შემსყიდველის უფლებამოსილი პირები, ცენტრის ავტორიზებული აფთიაქის მენეჯერები თამარ გოლოშვილი და ნინო სამნიაშვილი.

6.6. კონტროლის განმახორციელებელი პირების ფუნქციაა მისაწოდებელი ან/და მიწოდებული შესყიდვის ობიექტის მოცულობის/რაოდენობის, ერთეულის ფასის და მიწოდების ვადების ხელშეკრულების მოთხოვნებთან შესაბამისობის დადგენა.

6.7. „საქონლის“ მიღების დროს გამოვლენილი დეფექტისა და ნაკლის აღმოფხვრას, აუცილებლობის შემთხვევაში გამოცვლას საკუთარი ხარჯებით უზრუნველყოფს „მიმწოდებელი“. შემსყიდველს უფლება აქვს უარი თქვას დაგვიანებით მიღებულ ან უხარისხო საქონელზე, ასეთ შემთხვევაში შემსყიდველი თავისუფლდება ნაკისრი ვალდებულებებისგან.

7. ანგარიშსწორების წესი, ფორმა და ვადები

7.1. ანგარიშსწორება განხორციელდება ფაქტიურად მიწოდებული პროდუქტის შესაბამის თანხაზე შემსყიდველის უფლებამოსილი პირების მიერ ინსპექტირების დასკვნის და სასაქონლო ზედნადების შედგენიდან 10 სამუშაო დღის ვადაში.

7.2. ანგარიშსწორების ფორმა – უნაღდო ანგარიშსწორება.

7.3. ანგარიშსწორება განხორციელდება ლარებში

8. პირგასამტეხლო

8.1. ხელშეკრულებით ნაკისრი ვალდებულების ხელშეკრულებით განსაზღვრული ვადების გადაცდენის შემთხვევაში მხარეებს ეკისრებათ პირგასამტეხლოს გადახდა, ყოველ ვადაგადაცილებულ დღეზე ხელშეკრულების ღირებულების 0,02%-ის ოდენობით.

8.2. ხელშეკრულებით განსაზღვრული ნაკისრი ვალდებულების სრულად ან ნაწილობრივ (ცალკეული პუნქტების) არაჯეროვანი შესრულების შემთხვევაში (გარდა იმ შემთხვევისა თუ პირობების შეუსრულებლობა გამოწვეულია მიმწოდებლისგან დამოუკიდებელი მიზეზებით, რაზედაც მის მიერ წარმოდგენილი უნდა იქნას წერილობითი დასაბუთება) შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ღირებულების 10%-ის ოდენობით.

8.3. იმ შემთხვევაში თუ მიმწოდებლის მიერ გაწეული მომსახურების/აღებული ვალდებულებების არაჯეროვანი შესრულების გამო, შემსყიდველის მიერ მოხდა ხელშეკრულების ცალმხრივად შეწყვეტა, მიმწოდებელი ჯარიმდება ხელშეკრულების ღირებულების 20%-ით.

8.4. იმ შემთხვევაში, თუ პირგასამტეხლოს ჯამური თანხა გადაჭარბებს ხელშეკრულების ღირებულების 2%-ს შემსყიდველს უფლება აქვს (და არა ვალდებულება) ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.

8.5 საჯარიმო სანქციების გადახდა არ ათავისუფლებს მხარებს ძირითადი ვალდებულებების შესრულებისაგან.

8.6 მომწოდებელი ვალდებულებას იღებენ უზრუნველყონ პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში. ან წერილობით დადასტურონ მის გამოკლებაზე ანგარიშსწორების პერიოდისათვის, ასეთის არსებობის შემთხვევაში.

8.7 იმ შემთხვევაში თუ ხელშეკრულების გაფორმების შემდეგ მოწოდებელი უარს განაცხადებს მის შესრულებაზე შემსყიდველს ერთჯერადად გადაუხდის ჯარიმის სახით ხელშეკრულების ღირებულების 20

9. მხარეთა უფლება-მოვალეობები

9.1. „შემსყიდველი“ ვალდებულია:

9.1.1. აცნობოს „მომწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

9.2. „მომწოდებელი“ ვალდებულია:

9.2.1. მიაწოდოს „შემსყიდველს“ „საქონელი“, რომელიც სრულად შეესაბამება ხარისხით და სხვა მონაცემებით „შემსყიდველის“ დაკვეთას.

9.2.2. დროულად შეასრულოს ხელშეკრულებით ნაკისრი ყველა ვალდებულება.

9.3. „შემსყიდველი“ უფლებამოსილია:

9.3.1. მოითხოვოს „მომწოდებლისგან“ ხელშეკრულების ყველა პუნქტის შესრულება.

9.3.2. უარი განაცხადოს ხელშეკრულების პირობების შესრულებაზე იმ შემთხვევაში, თუ „მომწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.

9.3.3. არ სცნოს „მომწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

9.3.4. მიმართოს სასამართლოს ან სხვა შესაბამის ორგანოებს „მომწოდებლის“ მიერ ხელშეკრულების პირობების დარღვევის გამო და მოითხოვოს ზარალის ანაზღაურება;

9.4. „მომწოდებელი“ უფლებამოსილია:

9.4.1. მოითხოვოს „შემსყიდველისაგან“ მის მიერ მიწოდებული „საქონლის“ ღირებულების სრული ანაზღაურება.

9.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „საქონლის“ მიწოდება ან მის წინაშე დადგა დაუძლეველი ძალა.

9.4.3. აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

9.4.4. მიმართოს სასამართლოს ან სხვა შესაბამის ორგანოებს „შემსყიდველის“ მიერ ხელშეკრულების პირობების დარღვევის გამო.

10. მხარეთა პასუხისმგებლობა ხელშეკრულების პირობების

დარღვევისათვის

10.1 მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.

10.2. ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.

10.3. ხელშეკრულების პირობების ცალმხრივი შეუსრულებლობა მხარეთა შორის დადებული შეთანხმების გარეშე, გამოიწვევს საჯარიმო სანქციებს.

10.4. ხელშეკრულების შეწყვეტა მთლიანი ან ნაწილობრივი შეწყვეტა მხარეთა მიერ წერილობითი შეტყობინების გარეშე და ამ შეტყობინებაზე წერილობითი პასუხის მიღების გარეშე დაუშვებელია.

10.5. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, „მომწოდებლისათვის“ ვალდებულებების შეუსრულებლობის წერილობითი შეტყობინების შემდეგ:

10.5.1. თუ მომწოდებელს ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „საქონელი“;

10.5.2. თუ მომწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „საქონლის“ მიწოდება სრულად ან დადგენილ ვადებში.

10.6. ხელშეკრულების ცალკეული პირობების მოქმედების შეწყვეტა არ ათავისუფლებს „მომწოდებელს“ დანარჩენი ვალდებულებების შესრულებისაგან.

10.7. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ:

10.7.1. თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე;

10.7.2. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.7.3. „მომწოდებლის“ გაკოტრების შემთხვევაში.

10.8. საჯარიმო სანქციები რეგულირდება წინამდებარე ხელშეკრულებითა და საქართველოს მოქმედი კანონმდებლობის შესაბამისად.

10.9. წინამდებარე მუხლის 10.5 და 10.7 პუნქტებით გათვალისწინებულ შემთხვევაში შემსყიდველი ვალდებულია აანაზღაუროს ფაქტიურად მიწოდებული საქონლის ღირებულება სრულად (თუ მიწოდებელს დაკისრებული აქვს პირგასამტეხლო ან რაიმე ჯარიმა, ასეთ შემთხვევაში პირგასამტეხლოს გამოკლებით).

11. დაუძლეველი ძალის მოქმედება

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.

11.2. ამ მუხლის მიზნებისათვის დაუძლეველი ძალა ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გათვალისწინებელი ხასიათი. ასეთი გარემოება შეიძლება გამოწვეული იყოს საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით, რომელსაც ცნობენ მხარეები.

11.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისგან.

11.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

12. სადაო საკითხების გადაწყვეტა

12.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

12.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავას გადაწყვეტის მიზნით შეუძლია საქართველოს მოქმედი კანონმდებლობით დადგენილი წესის მიხედვით მიმართოს საქართველოს სასამართლოს.

13. გამოსაყენებელი სამართალი

13.1. ხელშეკრულება დადებულია საქართველოს მოქმედი კანონმდებლობის შესაბამისად და ინტერპრეტირებული იქნება საქართველოს კანონის მიხედვით.

14. ხელშეკრულების ენა

14.1. ხელშეკრულების ენაა ქართული. ხელშეკრულებასთან დაკავშირებული წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

15. ურთიერთობა მხარეებს შორის

15.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად უგზავნის მეორე მხარეს, გაიგზავნება წერილის ან ელექტრონული ფოსტის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

15.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დადგება.

16. ხელშეკრულების სხვა პირობები

16.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დამატებითი შეთანხმების სახით, რომელიც წარმოადგენს ხელშეკრულების განუყოფელ ნაწილს.

16.2. „მიმწოდებელს“ არ აქვს უფლება წერილობითი თანხმობის გარეშე მოახდინოს მესამე პირისათვის უფლებების გადაცემა.

16.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით (398 მუხლი) განსაზღვრული შემთხვევებისა.

16.4. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით ატყობინებენ ერთმანეთს და ღებულობენ ერთობლივ გადაწყვეტილებას.

17. ხელშეკრულების მოქმედების ვადა

17.1. ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.

17.2. ხელშეკრულების მოქმედების ვადა განისაზღვრება: -----ჩათვლით.

17.3. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.

17.4. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

18. განსაკუთრებული შენიშვნები

18.1. ხელშეკრულება დგება სამ თანაბარძალოვან ეგზემპლარად, საიდანაც ერთი ეგზემპლარი გადაეცემა „მიმწოდებელს“.

19. მხარეთა რეკვიზიტები